



CONVENIO DE COLABORACIÓN ENTRE A CONSELLERÍA DO MAR E A ASEMBLEA DA COMUNIDADE AUTÓNOMA DE GALICIA DA CRUZ VERMELLA ESPAÑOLA

En A Coruña, a 20 de decembro de 2023

REUNIDOS

Dunha parte Don Alfonso Villares Bermúdez, conselleiro do Mar, actuando no nome e na representación da Xunta de Galicia, ao abeiro das facultades que lle concede o artigo 34 da Lei 1/1983, do 22 de febreiro, de normas reguladoras da Xunta e da súa Presidencia.

E doutra parte Dona Mercedes Casanova Díaz, presidenta da Asemblea da Comunidade Autónoma de Galicia na Coruña da Cruz Vermella Española, actuando en nome e representación da dita institución, en virtude do seu nomeamento de data 28 de abril de 2023.

Ambas as dúas partes reunidas recoñécense capacidade mutua, legal e suficiente para obrigarse mediante este convenio de colaboración e

CONSIDERAN

Primeiro.- A Cruz Vermella Española é, segundo as súas normas ordenadoras (Real Decreto 415/1996), unha institución humanitaria de interese público, configurada como auxiliar colaboradora das Administracións Públicas en accións humanitarias e sociais, desenvolvemento a súa actuación nos distintos ámbitos do Estado baixo a súa tutela.

Segundo.- A devandita institución conta ao longo das costas galegas con estacións e postos de salvamento en diversos portos da Comunidade Autónoma de Galicia.

Terceiro.- A Consellería do Mar, en función das atribucións conferidas á Xunta de Galicia no artigo 29.3 do Estatuto de Autonomía de Galicia e no Decreto 50/2021, do 11 de marzo, polo que se aproba a estrutura orgánica da Consellería do Mar, ten competencia, entre outras, en materia de salvamento marítimo e loita contra a contaminación.





Cuarto.- A Cruz Vermella é a única entidade capacitada para levar a cabo as accións obxecto deste convenio, sendo imposible promover concorrência pública para atender a esta prestación a través da formalización dun contrato administrativo, quedando polo tanto fóra do ámbito da aplicación da Lei 9/2017, do 8 de novembro, de Contratos do Sector Público.

Polo exposto, ambas as dúas partes acordan asinar un convenio de colaboración con arranxo ás seguintes

CLÁUSULAS

Primeira.- A Consellería do Mar e a Asemblea Autonómica de Galicia da Cruz Vermella formalizan este convenio, que ten por obxecto colaborar en materia de salvamento marítimo e loita contra a contaminación, nos termos que se indican.

Segunda.- A Asemblea Autonómica de Galicia da Cruz Vermella Española comprométese a actuar en tarefas de salvamento marítimo e loita contra a contaminación de forma coordinada cos medios da Consellería do Mar, poñendo os medios operativos da institución a disposición alí onde sexan necesarios.

Terceira.- Pola súa banda, a Consellería do Mar comprométese a:

- 1) Colaborar e coordinar as tarefas de salvamento e seguridade realizadas pola entidade.
- 2) Achegar, como máximo, as cantidades que figuran na cláusula cuarta do presente convenio para levar a cabo as accións que se definen no seu obxecto e durante o período de vixencia deste.

Cuarta.- A contribución económica haberá de cubrir exclusivamente as actuacións realizadas ao longo do ano 2024 (desde o 1 de xaneiro ata o 31 de decembro) para compensar os gastos nos que incorre a Cruz Vermella na realización das devanditas accións. Esta ascenderá a sesenta mil euros (60.000 €), que serán financiados con cargo á aplicación 15.01.541C.604.1 (código de proxecto 2011 00867) dos orzamentos xerais da comunidade Autónoma de Galicia para o ano 2024.

A tramitación do presente expediente acóllese á Orde da Consellería de Economía e Facenda do 11 de febreiro de 1998, modificada polas Ordes do 27 de novembro de 2000 e 25 de outubro de 2001, pola que se regula a tramitación anticipada de expedientes de gasto, polo que a aprobación do expediente queda condicionada á efectiva existencia





de crédito, axeitado e suficiente, nos orzamentos da Comunidade Autónoma para o ano 2024, cuxo proxecto foi aprobado polo Consello da Xunta de Galicia do 18 de outubro de 2023.

A Consellería do Mar financiará cun 50% do custo total por actuación básica realizada no ano 2024 ata un máximo de 60.000 €, isto é, comprenderá os conceptos sinalados na memoria presentada por Cruz Vermella, así, o custo básico hora, comprende os conceptos de embarcación nivel AB, patrón, desfibrilador semiautomático, socorrista e socorrista acuático.

Quinta.- O pagamento das cantidades estipuladas neste convenio será feito efectivo pola Xunta de Galicia nunha soa vez ou en partidas parciais, segundo a Cruz Vermella xustifique documentalmente diante da Consellería do Mar a efectiva realización das accións previstas mediante una relación dos servizos realizados conforme a cláusula segunda do presente convenio, e deberá presentar a certificación acreditativa de ter efectuado as accións sinaladas no convenio asinada pola presidencia da entidade. A Consellería do Mar poderá requirir en calquera momento canta documentación precise para comprobar a efectiva realización das accións obxecto do convenio.

Sexta.- Constituirase unha comisión para o seguimento, interpretación e control das cláusulas deste convenio e a coordinación das actuacións. A Consellería do Mar designa como membro da mesma ao subdirector xeral de Gardacostas de Galicia e a Asemblea Autonómica de Galicia da Cruz Vermella á persoa titular da secretaría de dita institución.

Sétima.- A vixencia deste convenio será desde o 1 de xaneiro ata o 31 de decembro de 2024, aínda que este poderá ser prorrogado por mutuo acordo das partes, adoptado antes de que remate a súa vixencia, e logo do informe favorable da Asesoría Xurídica desta consellería e da preceptiva fiscalización do gasto.

Oitava.- As cuestións controvertidas sobre a interpretación, modificación, resolución e efectos que puidesen derivarse da aplicación deste convenio deberán solucionarse pola Comisión de seguimento á que se refire a cláusula sexta. Se non se puidese alcanzar o dito acordo, a discrepancia será resolta pola Consellería do Mar, resolución que poñerá fin á vía administrativa, e poderá ser obxecto de coñecemento pola xurisdición contencioso-administrativa.





Novena.- Calquera incumprimento das normas contidas neste convenio, así como a achega de documentación fraudulenta ou a desviación do obxecto do gasto a fins distintos dos estipulados no convenio, terá carácter liberatorio para a Consellería do Mar respecto dos compromisos contraídos coa Asemblea Autonómica de Galicia da Cruz Vermella e dará lugar á rescisión automática do convenio.

Décima.- As partes asinantes responsabilizaranse de que calquera tratamento de datos persoais que puidera levarse a cabo en virtude do mesmo se realice con absoluto respecto ás normas de seguridade e de conformidade co establecido no Regulamento 2016/679 (UE) Xeral de Protección de datos; na Lei Orgánica 3/2018, do 5 de decembro, de protección de datos persoais e garantía dos dereitos dixitais e demais normativa concordante.

Undécima.- Transparencia e bo Goberno na Administración Pública Galega.

De conformidade co establecido nos artigos 12 a 16 da Lei 19/2013, do 9 de decembro, de transparencia, acceso a información pública e bo goberno, en concordancia cos artigos 24 e 25 da Lei 1/2016, do 18 de xaneiro, de transparencia e bo goberno, os asinantes outorgan o seu consentimento para que os datos persoais que constan no convenio, e no resto das especificacións contidas no mesmo, poidan ser publicadas no Portal de Transparencia e Goberno Aberto.

E en proba de conformidade con canto antecede, as partes que interveñen asinan este convenio pro triplicado exemplar, no lugar e data sinalados no encabezamento



POLA CONSELLERÍA DO MAR

Alfonso Villares Bermúdez

POLA CRUZ VERMELLA



Mercedes Casanova Díaz

